

SEORANG lelaki menunjukkan sotong yang berjaya dicandat di perairan Dungun, Terengganu.

# TENGAH LAUT MACAM PESTA CAHAYA

Lelaki bersyukur dua bot miliknya masing-masing pulang dengan membawa dua tan sotong

RM 10/06/23 M/S 24 & 25

Oleh Rosli Ilham  
am@hmetro.com.my



## Dungun

**T**ahun ini paling pelik dan mencatat sejarah dengan kebanjiran sotong yang menyerang perairan Terengganu," kata nelayan, Mohammed Noor Yusof.

Mohammed Noor, 62, yang mempunyai dua buah bot berkata, musim sotong kali ini mendatangkan rezeki ribuan nelayan di Terengganu serta orang ramai yang mengambil peluang memukat dan mencandat sotong.

"Memang banyak sotong kali ini. Bukan saja di Dungun, malah rakan nelayan di Kuala Terengganu, Marang dan Kemaman turut mendakwa berlaku perkara yang sama.

"Kalau lihat di tengah laut sepanjang perairan Dungun, Paka dan Marang bagaikan pesta cahaya," katanya di Kompleks Lembaga Kemajuan Ikan Malaysia (LKIM) Dungun.

Menurutnya, dia sangat bersyukur apabila kedua-dua bot miliknya masing-masing pulang dengan membawa dua tan tangkapan sotong semalam.

"Sotong mulai menyerang pertengahan bulan lalu dengan hasil tangkapan lima tan dan sepanjang tempoh bulan Jun ini saja saya dapat

Kalau lihat di tengah laut sepanjang perairan Dungun, Paka dan Marang bagaikan pesta cahaya"

Mohammed Noor

sembilan tan tangkapan.

"Musim sotong kali ini juga pelik kerana sotong gemar berkandang (tempat ratusan ribu sotong berkumpul dan bertelur) ketika bulan gelap.

"Biasanya sotong akan berkandang dan muncul di waktu bulan terang dan tahun ini ia (sotong) tak mengira bulan gelap dan terang," katanya.

Rakannya, Shahrul Hisham Yusof, 36, berkata, dia bersama empat awak memukat sotong sekitar Kawasan 12 hingga 15 batu nautika dari Kuala Dungun.


"Pendek kata campak saja mata 'candat' dan pukut di mana saja tangkapan sotong akan mengena.

Shahrul Hisham berkata, harta jualan di antara RM27 dan RM29 sekilogram sekali buat dia dan empat awak-awaknya.


"Pendapatan itu dapatlah saya dan awak-awak bayar hutang bot dan buat perbelanjaan pada musim tengkujuh nanti," katanya.



SEKUMPULAN pencandat sotong menunjukkan hasil tangkapan yang diperoleh mereka.



BOT Mohammed Noor yang tiba di Kompleks LKIM Dungun yang masing-masing membawa dua tan tangkapan sotong.



MOHAMMED Noor menunjukkan sebahagian daripada empat tan sotong yang diperoleh.



SOTONG yang siap dipindahkan dibawa ke Kompleks LKIM untuk dijual.



NELAYAN mengeluarkan sotong yang ditangkap dari atas bot.